

Odluka Predsjedništva Federacije je neustavna



Uprkos tvrdnjama da je predsjednica Federacije BiH, zajedno sa potpredsjednicima, djelovala u skladu sa Ustavom Federacije BiH, odluka od 3. februara 2011. godine o imenovanju tri člana Ustavnog suda FBiH krši Ustav Federacije po dva osnova. "Ovom odlukom predsjednica Federacije je, uz pristanak dva potpredsjednika, zaobišla ustavnu i zakonsku ulogu Visokog sudskog i tužilačkog vijeća i svela ulogu Parlamenta Federacije na formalni čin objavljivanja odluke u Službenom glasniku", danas je izjavio visoki predstavnik Valentin Inzko.

Ustav Federacije BiH eksplisitno navodi da predsjednik Federacije predlaže kandidate za Ustavni sud sa liste kandidata koju utvrđuje Visoko sudsko i tužilačko vijeće. I 2008. godine, kao i danas, predsjednica i potpredsjednici Federacije ignorirali su činjenicu da jedna od imenovanih osoba nije bila na listi kandidata koju je utvrdilo Visoko sudsko i tužilačko vijeće. Uloga Visokog sudskog i tužilačkog vijeća je da osigura imenovanje samo onih koji su pogodni za vršenje funkcije u Ustavnom суду Federacije BiH. Dom naroda Federacije BiH prihvatio je ovaj stav 2009. godine kada je odbacio prethodne pokušaje predsjednice Federacije da imenuje sudije Ustavnog suda izvan ustavnog i zakonskog okvira.

Od 2009. godine, predsjednica Federacije nije imenovala sudije u Ustavni sud Federacije BiH, time ostavljajući Vijeće Ustavnog suda za zaštitu nacionalnog interesa nepotpunjениm

više od dvije godine. Zbog ove činjenice, niti jedan konstitutivni narod u Federaciji BiH nije mogao dobiti odluku o zaštiti vitalnog nacionalnog interesa, ne samo u vezi sa zakonima Federacije BiH nego i kantona i Grada Mostara.

Donošenjem ove odluke, predsjednica i potpredsjednici u potpunosti su zaobišli ulogu Parlamenta. U njihovoj odluci se navodi da imenovanje stupa na snagu danom donošenja odluke. U Ustavu Federacije BiH se, međutim, jasno navodi da je za svako imenovanje sudija Ustavnog suda Federacije BiH potrebna saglasnost Doma naroda FBiH.

“Ovo je očito kršenje Ustava Federacije BiH”, izjavio je danas visoki predstavnik. “Sada je vrijeme da Predsjedništvo Federacije BiH postupi u skladu sa Ustavom i vladavinom prava – stoga očekujem od njih da ponište ovu odluku i osiguraju da se imenovanja u Ustavni sud FBiH provedu u skladu sa Ustavom i zakonom”.